



**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
DOM NARODA
Broj:02-011- 252 /'03
Sarajevo, 4.03.2003.god.**

ZAPISNIK

**3. sjednice Doma naroda Parlamentarne skupštine Bosne i Hercegovine,
održane 25. februara 2003.godine**

Sjednica je počela sa radom u 11,10 sati.

Sjednicom je predsjedavao Velimir Jukić, predsjedavajući Doma naroda Parlamentarne skupštine Bosne i Hercegovine.

Na sjednici je bilo prisutno 15 delegata.

Osim delegata na sjednici Doma naroda prisustvovali su: predstavnici Vijeće ministara, predstavnici međunarodnih organizacija, pozvani gosti i predstavnici sredstava javnog informisanja.

Dom naroda jednoglasno je usvojio sljedeći

D N E V N I R E D

1. Odgovori na delegatska pitanja i delegatska pitanja
2. Zapisnik sa 2. sjednice Doma naroda Parlamentarne skupštine BiH
3. Izbor članova delegata Parlamentarne skupštine BiH iz Doma naroda u Parlamentarnu skupštinu Vijeća Evrope
4. Prijedlog odluke o postupku izbora članova Upravnog odbora Javnog radiotelevizijskog servisa Bosne i Hercegovine
5. Budžet institucija BiH i međunarodnih obaveza za 2003. godinu – predlagač Predsjedništvo BiH
6. Zakon o izvršenju Budžeta institucija BiH i međunarodnih obaveza za 2003. godinu – predlagač Predsjedništvo BiH
7. Prijedlog za formiranje i imenovanje privremene komisije za pripremu Prijedloga odluke o izmjenama i dopunama Poslovnika Doma naroda.
8. Izvještaj o radu Vijeća ministara Bosne i Hercegovine za 2002. godinu
9. Prijedlog odluke o imenovanju članova Državne regulatorne komisije za električnu energiju (DERK)
10. Ugovor o dvojnem državljanstvu između BiH i Savezne Republike Jugoslavije – predlagač Predsjedništvo BiH

11. Međunarodna konvencija o suzbijanju finansiranja terorizma, usvojena od Generalne skupštine UN-a 9.decembra 1999.godine – predlagač Predsjedništvo BiH
12. Ugovor o slobodnoj trgovini između BiH i Republike Turske – predlagač Predsjedništvo BiH
13. Ugovor o slobodnoj trgovini između BiH i Republike Makedonije – predlagač Predsjedništvo BiH
14. Sporazum o unapređenju i recipročnoj zaštiti investicija između BiH i Kraljevine Španije – predlagač Predsjedništvo BiH
15. Sporazum o unapređanju i zaštiti investicija između BiH i Češke Republike – predlagač Predsjedništvo BiH
16. Sporazum između BiH i Republike Portugal o uzajamnom unapređenju i zaštiti investicija – predlagač Predsjedništvo BiH
17. Protokol o suzbijanju nezakonitih djela protiv sigurnosti stalnih platformi smještenih u epikontinentalnom pojasu, Rim 10.marta 1988.god. – predlagač Predsjedništvo BiH
18. Konvencija o suzbijanju nezakonitih djela protiv sigurnosti pomorske plovidbe, Rim 10. marta 1988 god. – predlagač Predsjedništvo BiH
19. Kreditni sporazum između Kraljevine Španije i Bosne i Hercegovine (finansiranje rekonstrukcije sistema vodosnabdjevanja za opštinu Prnjavor)-predlagač Predsjedništvo BiH
20. Kreditni sporazum između Kraljevine Španije i Bosne i Hercegovine (Finansiranje rekonstrukcije sistema vodosnabdjevanja za opštinu Olovo) - predlagač Predsjedništvo BiH
21. Kreditni sporazum između Kraljevine Španije i Bosne i Hercegovine (Finansiranje rekonstrukcije sistema vodosnabdjevanja za opštinu Žepče) - predlagač Predsjedništvo BiH
22. Prijedlog zaključka o nastavljajući parlamentarne procedure po prijedlozima zakona i drugih materijala iz predhodnog saziva

Ad-1: Odgovori na delegatska pitanja i delegatska pitanja

Odgovora na delegatska pitanja nije bilo.

Delegatska pitanja su postavili,

Delegat Tomislav Limov postavio je pitanje ministru pravde u Vijeću ministara.

"Koje su temeljne karakteristike stanja i odnosa u kaznenim zavodima na području Bosne i Hercegovine. Šta je stvarna istina o stanju u kaznenom zavodu Zenica, u svijetlu nedavne pobune i okolnosti navodnog islamiziranja pojedinih osuđenika katoličke vjeroispovijesti?"

Delegat Hasan Čengić je postavio pitanje ministaru za finansije i trezor u Vijeću ministara.

"Zašto su ukinuti prihodi Odjela za civilnu avijaciju i kako je moguće da Bosna i Hercegovina nema svoje prihode u naplati preleta kroz zračni prostor BiH, što predstavlja značajnu stavku u nizu zemalja?"

Ad-2: Zapisnik sa 2. sjednice Doma naroda Parlamentarne skupštine Bosne i Hercegovine.

U diskusiji je učestvovao Zoran Spasojević

Sa 14 glasova za i jednim uzdržanim glasom usvojen je zapisnik sa 2. sjednice Doma naroda Parlamentarne skupštine Bosne i Hercegovine.

Ad-3: Izbor članova delegata Parlamentarne skupštine BiH iz Doma naroda u Parlamentarnu skupštinu Vijeća Evrope

U diskusiji su učestvovali: Ante Spajić, Boško Šiljegović i Halid Genjac

Dom naroda je jednoglasno izvršio izbor člana i 2. zamjenika delegata Parlamentarne skupštine BiH iz Doma naroda u Parlamentarnu skupštinu Vijeće Evrope. Za člana je imenovan Goran Milojević, a za zamjenike imenovani su: Hilmo Neimarlija i Ilija Filipović.

Ad-4: Prijedlog odluke o postupku izbora članova Upravnog odbora Javnog radiotelevizijskog servisa Bosne i Hercegovine

U diskusiji su učestvovali: Vinko Radovanović, Hilmo Neimarlija i Ante Spajić

Dom naroda je jednoglasno usvojio Prijedlog odluke o postupku izbora članova Upravnog odbora Javnog radiotelevizijskog servisa Bosne i Hercegovine, kao i imenovao članove komisije iz odluke. Za članove komisije imenovani su: Boško Šiljegović, Halid Genjac i Tomislav Limov

Ad-5: Budžet institucija BiH i međunarodnih obaveza za 2003. godinu – predlagač Predsjedništvo BiH

U diskusiji su učestvovali: Ljerka Marić, ministar za finansije i trezor, Ilija Filipović, Zoran Spasojević, Hasan Čengić, Mustafa Pamuk i Velimir Jukić.

Dom naroda je jednoglasno usvojio Budžet institucija BiH i međunarodnih obaveza za 2003. godinu uz sljedeći zaključak delegata Hasana Čengića:

"Da se pripremi prijedlog Rebalansa Budžeta institucija BiH za 2003 godinu u roku od 60 dana od dana objave ovog dokumenta, te da se posebno vodi računa o novim institucijama BiH i Vijeća ministara, a naročito o Parlamentarnoj skupštini BiH".

Ad-6: Zakon o izvršenju Budžeta institucija BiH i međunarodnih obaveza za 2003. godinu – predlagač Predsjedništvo BiH

U diskusiji je učestvovala Ljerka Marić, ministar za finansije i trezor u Vijeću ministara.

Dom naroda je jednoglasno usvojio Zakon o izvršenju Budžeta institucija BiH i međunarodnih obaveza za 2003. godinu.

Ad-7: Prijedlog za formiranje i imenovanje privremene komisije za pripremu Prijedloga odluke o izmjenama i dopunama Poslovnika Doma naroda.

U diskusiji su učestvovali: Vinko Radovanović, Hasan Čengić, Ilija Filipović, Osman Brka, Halid Genjac i Boško Šiljegović.

Velimir Jukić, Mustafa Pamuk i Goran Milojević kao predlagači Prijedloga za formiranje i imenovanje privremene komisije za pripremu Prijedloga odluke o izmjenama i dopunama Poslovnika Doma naroda, povukli su svoj prijedlog.

Ad-8: Izvještaj o radu Vijeća ministara Bosne i Hercegovine za 2002. godinu

U diskusiji su učestvovali: Ilija Filipović, Zoran Spasojević, Hasan Čengić, Osman Brka, Hilmo Neimarlija, Branko Zrno, Nade Radović, Velimir Jukić i Boško Šiljegović.

Dom naroda većinom glasova nije usvojio Izvještaj o radu Vijeća ministara Bosne i Hercegovine za 2002. godinu

Ad-9: Prijedlog odluke o imenovanju članova Državne regulatorne komisije za električnu energiju (DERK)

U diskusiji su učestvovali: Velimir Jukić, Ante Spajić, Vinko Radovanović, Halid Genjac, Ilija Filipović, Nade Radović, Hilmo Neimarlija i Goran Milojević.

Dom naroda je većinom glasova odbio prijedlog kandidata iz Federacije BiH za imenovanje članova Državne regulatorne komisije za električnu energiju (DERK) Alije Muharemovića i Vinka Bošnjaka, sa zahtjevom da se ispoštuje procedura i maksimalno ubrza postupak za predlaganje novih kandidata.

Dom naroda jednoglasno je prihvatio prijedlog da se za kandidata iz Republike Srpske, za člana Državne regulatorne komisije za električnu energiju, imenuje mr. Vladimir Dokić.

Ad-10: Ugovor o dvojnomo državljanstvu između BiH i Savezne Republike Jugoslavije – predlađač Predsjedništvo BiH

U diskusiji su učestvovali: Anto Grbić, Ilija Filipović, Hasan Čengić, Osman Brka i Goran Milojević

Dom naroda je jednoglasno dao saglasnost za ratifikaciju Ugovora o dvojnomo državljanstvu između BiH i Savezne Republike Jugoslavije uz sljedeći zaključak Hasana Čengića:

"Traži se od Vijeće ministara i Ministarstva Vanjskih poslova da ubrza pregovore tj. aktivnosti na izradi ugovora o dvojnomo državljanstvu između Bosne i Hercegovine i Republike Hrvatske".

Ad-11: Međunarodna konvencija o suzbijanju finansiranja terorizma, usvojena od Generalne skupštine UN-a 9.decembra 1999.godine – predlađač Predsjedništvo BiH

U diskusiji su učestvovali: Anto Grbić, Halid Genjac, Ilija Filipović i Hasan Čengić.

Dom naroda je jednoglasno dao saglasnost za ratifikaciju Međunarodne konvencije o suzbijanju finansiranja terorizma, usvojena od Generalne skupštine UN-a 9.decembra 1999.godine

Ad-12: Ugovor o slobodnoj trgovini između BiH i Republike Turske – predlađač Predsjedništvo BiH

U diskusiji su učestvovali: Anto Grbić, Hasan Čengić, predstavnik Ministarstva vanjske trgovine Suada Muminović, Osman Brka i Velimir Jukić.

Dom naroda je jednoglasno dao saglasnost za ratifikaciju Ugovora o slobodnoj trgovini između BiH i Republike Turske uz sljedeći zaključak Velimira Jukića:

"Dom naroda Parlamentarne skupštine Bosne i Hercegovine pokreće inicijativu za otvaranje parlamentarne rasprave na temu viznog režima prema Bosni i Hercegovini".

Ad-13: Ugovor o slobodnoj trgovini između BiH i Republike Makedonije – predlađač Predsjedništvo BiH

U diskusiji je učestvovao Hasan Čengić.

Dom naroda je jednoglasno dao saglasnost za ratifikaciju Ugovora o slobodnoj trgovini između BiH i Republike Makedonije.

Ad-14: Sporazum o unapređenju i recipročnoj zaštiti investicija između BiH i Kraljevine Španije – predlađač Predsjedništvo BiH

Diskusija nije vođena.

Dom naroda je jednoglasno dao saglasnost za ratifikaciju sporazuma o unapređenju i recipročnoj zaštiti investicija između BiH i Kraljevine Španije.

Ad-15: Sporazum o unapređanju i zaštiti investicija između BiH i Češke Republike – predlađač Predsjedništvo BiH

U diskusiji su učestvovali: predstavnik Ministarstva vanjske trgovine Suada Muminović, Zoran Spasojević i Anto Grbić.

Dom naroda je jednoglasno dao saglasnost za ratifikaciju sporazuma o unapređanju i zaštiti investicija između BiH i Češke Republike.

Ad-16: Sporazum između BiH i Republike Portugal o uzajamnom unapređenju i zaštiti investicija – predlagač Predsjedništvo BiH

U diskusiji su učestvovali: Ilija Filipović i Zoran Spasojević.

Dom naroda je jednoglasno dao saglasnost za ratifikaciju sporazuma o unapređanju i zaštiti investicija između BiH i Republike Portugal.

Ad-17: Protokol o suzbijanju nezakonitih djela protiv sigurnosti stalnih platformi smještenih u epikontinentalnom pojasu, Rim 10.marta 1988.god. – predlagač Predsjedništvo BiH

U diskusiji je učestvovao Hasan Čengić.

Dom naroda je jednoglasno dao saglasnost za ratifikaciju Protokola o suzbijanju nezakonitih djela protiv sigurnosti stalnih platformi smještenih u epikontinentalnom pojasu, Rim 10.marta 1988.god.

Ad-18: Konvencija o suzbijanju nezakonitih djela protiv sigurnosti pomorske plovidbe, Rim 10. marta 1988 god. – predlagač Predsjedništvo BiH

Diskusija nije vođena.

Dom naroda je jednoglasno dao saglasnost za ratifikaciju Konvencije o suzbijanju nezakonitih djela protiv sigurnosti pomorske plovidbe, Rim 10. marta 1988 god

Ad-19: Kreditni sporazum između Kraljevine Španije i Bosne i Hercegovine (finansiranje rekonstrukcije sistema vodosnabdjevanja za opštinu Prnjavor)-predlagač Predsjedništvo BiH

Diskusija nije vođena.

Dom naroda je jednoglasno dao saglasnost za ratifikaciju Kreditnog sporazuma između Kraljevine Španije i Bosne i Hercegovine, finansiranje rekonstrukcije sistema vodosnabdjevanja za opštinu Prnjavor.

Ad-20: Kreditni sporazum između Kraljevine Španije i Bosne i Hercegovine (Finansiranje rekonstrukcije sistema vodosnabdjevanja za opštinu Olovo) - predlagač Predsjedništvo BiH

Diskusija nije vođena.

Dom naroda je jednoglasno dao saglasnost za ratifikaciju Kreditnog sporazuma između Kraljevine Španije i Bosne i Hercegovine, finansiranje rekonstrukcije sistema vodosnabdjevanja za opštinu Olovo.

Ad-21: Kreditni sporazum između Kraljevine Španije i Bosne i Hercegovine (Finansiranje rekonstrukcije sistema vodosnabdjevanja za opštinu Žepče) - predlagač Predsjedništvo BiH

Diskusija nije vođena.

Dom naroda je jednoglasno dao saglasnost za ratifikaciju Kreditnog sporazuma između Kraljevine Španije i Bosne i Hercegovine, finansiranje rekonstrukcije sistema vodosnabdjevanja za opštinu Žepče.

Ad-22: Prijedlog zaključka o nastavljaju parlamentarne procedure po prijedlozima zakona i drugih materijala iz predhodnog saziva

U diskusiji su učestvovali: Velimir Jukić, Hasan Čengić i Jadranko Tomić.

Dom naroda jednoglasno je usvojio Prijedlog zaključka o nastavljaju parlamentarne procedure po prijedlozima zakona i drugih materijala iz predhodnog saziva

Na kraju sjednic Dom naroda jednoglasno je usvojio sljedeće zaključke Gorana Milojevića:

"Delegati Doma naroda Parlamentarne skupštine BiH u potpunosti su privrženi poštivanju Zakona o sukobu interesa u institucijama vlasti BiH.

Dom naroda upućuje najoštrij protest Izornoj komisiji BiH zbog širine sadržaja obrasca o stambenom statusu izaslanika.

Zadužuje se Vijeće ministara BiH da u saradnji sa Izbornom komisijom BiH osigura sačinjavanje obrasca o stambenom statusu delegata koji će sadržavati sve potrebno da bi se implemntirao Zakon o sukobu interesa vlasti BiH".

Sjednica je završena u 17,30 sati.

Sastavni dio ovog zapisnika je neautorizirani transkript sjednice.

SEKRETAR
DOMA NARODA
Jadranko Tomić,s.r.

PREDSJEDAVAJUĆI
DOMA NARODA
Velimir Jukić, s.r.